

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126133](#)

1. *Christum excipe.* Nostro enim emolumento advenit, tanquam justus & Salvator, Zach. 9. v. 9. Quidni ipsi gloriam daremus, ut de adventu ejus ex animo lætaremur, sicut captivus lætatur, quando Redemptor ejus appropinquat? Gaudete in Domino semper, iterum dico gaudete, Phil. 4. v. 4. Hic Rex venit justus, nobis id bonum est: bibimus enim quasi aquam, iniuriam, Job. 15. v. 16. qui vero in eum credit, justus est, Rom. 10. v. 4. Hic Rex venit, ut Salvator: id non minus prodest nobis. In nobis enim non est fortitudo, 2. Chron. 20. v. 12. sed auxilium nostrum a Domino, qui fecit cælum & terram, Psal. 121. v. 2.

2. *Palmam sequere.* Hæc idea Christiani est, quæ non deficit in tribulationibus, Eph. 3. v. 13. sed crescit sub mole illâ, in fide, patientia, devotione, aliisque præclaris virtutibus, ut & in morte speret, Prov. 14. v. 32. & cum Paulo dicat: Certus sum, quod neque mors neque vita &c. Rom. 8. v. 38. Hanc constantiam sequitur tandem corona, nempe corona vita, Apoc. 2. v. 11. Psal. 92. v. 13, 15.

3. *Hosanna cane.* O Domine, da prosperos successus! Psal. 118. v. 25. sicut enim turbæ, quæ præcedebant, & sequebantur, clamabant, dicentes: Hosanna Filio David, benedictus, qui venit in nomine Domini: Ita & nos adhuc hodie Christo Servatori Hosanna accinamus, dicentes: Præcepit Deus tuus fortitudinem tuam, confirma hoc Deus, quod operatus es in nobis, Psal. 68. v. 29. Licet enim Paulus planter, Apollo riget, tamen omnia irrita sunt, nisi Deus dederit incrementum, 1. Cor. 3. v. 7.

Hæc ita hodierni Evangelii idea, quæmodo occasione palmæ, à quâ hodierna dominica denominatur, tractari potuisse.

Nunc ad verba Passionis progredimur, quæ quatuor membris constant, quorum

- I. *Contumeliosa eductio.*
- II. *Secuta crucifixio.*
- III. *Beata obdormitio.*
- IV. *Honesta sepelitio.*

J. J.

Exegesis.

Platus clamore Pontificum, Seniorum & Scribarum victus, capitis Christum damnaverat, ut in præcedentibus audivimus. Propterea milites cum ipso properant ad locum supplicii, ubi alias facinorosi morti tradebantur. Id præfiguratum est per vaccam ruffam. Sicut enim illa extrâ castra educenda & cremandâ fuit, Num. 19. v. 1. seqq. Ita & Servator noster extrâ Jerusalem educetus, ibique extrâ muros interfectus est, ut ostenderet, esse se Salvatorem omnium hominum, Iudæorum & que ac Gentilium, 1. Tim. 4. v. 20. & propitiationem, non pro nostris tantum: sed pro totius mundi peccatis, 1. Joh. 2. v. 2.

Adam Paradiso ejiciebatur, cum peccasset, Gen. 3. v. 23. verum per educationem suam Christus, tanquam alter Adam, πολιτευμα cœlestis Hierosolymæ nobis vicissim acquisivit, ut lætabundi cum Apostolo dicere possumus: Jam non hospites & advenæ, sed cives sanctorum, & domestici Deisimus, Eph. 2. v. 19.

Considerabimus vero in contumeliosa hæc Christi educatione,

1. *Vestium mutationem.* Chlamydem enim coccineâ, quæ vulnerib' tenaciter inhæbat,

bat, violenter de corpore detrahunt, quo ipso dolores renovantur, & fontes sanguinei, qui obstructi erant, vicissim aperiuntur: contra vero vestimentis ejus eum induunt, quo ab omnibus agnitus majori ignominia & opprobrio afficiatur.

Id quidem in oculis nostris leve videatur. Verum si recte idem perpendimus, in eo Basis fidei & salutis nostrae versatur, quam Dæmon infernal is per hæreticos revertere satagit. Ut enim Eusebi⁹ recenset, olim Hæresiarcha Basilides non Christum, sed Simonem Cyrenæum ejus loco crucifixum esse, prætendit. Quod idem fere præstigiatorem Machometem in Alcorano suo reliquisse, dicitur.

Verum recte dixit Tertullianus: *Falsa est fides nostra, nisi vere Christus crucifixus, vere moreatus, & vere resuscitatus est.* Hæc maledictio hoc ipso plane enervantur, quod Christus habitu proprio, atque cognoscibili specie ad mortem, traductus est. Hæc res magni momenti est. In uno enim est salus nostra, qui est Jesus, cui omnes Prophetæ testimonium perhibent, remissionem peccatorum accipere per nomen ejus omnes, qui credunt in eum, Actor. 10. vers. 43. qui vero alium inseguuntur, multiplicarunt molestos labores suos, Psal. 16. v. 4. Non enim est in alio aliquo salus, Actor. 4. v. 12.

2. Ligni bajulationem, ubi notes,

1. Durum gravamen. Sicut enim Adriachonius in Theatro sanctæ terræ recenset, Christum à Prætorio Pilati usque ad locum Crucifixionis mille trecentos passus viginti & unum progrexi oportuit. Eniter dolorosum & molestissimum! quod in V. T. per iter Isaaci, ex debita obedientia er-

ga parentem Abrahamum factum, ubi in monte Moria, in Holocaustum mactandus erat, præfiguratum fuit. Tulit enim ligna holocausti, & imposuit super Isaac filium suum, Gen. 22. v. 6.

Ita hic piissimus Servator transversalia Crucis, in quibus semetipsum hostiam Deo, in odorem suavitatis oblatus erat, Eph. 5. v. 2. dorso suo bajulavit, non attento hoc, quod satis oneratus esset, onere iniuitatis domus Israël, quam olim Ezechiel portare cogebatur, Ezech. 4. v. 4. sed & omnium hominum, quam Deus in eum posuerat, Esa. 53. v. 6. Propterea Agnus Dei appellatur, qui portat peccata mundi, Joh. 1. v. 29.

2. Accidens levamen. Ubi enim cum Christo exeunt, invenerunt hominem Cyrenæum, nomine Simonem, hunc angariaverunt, ut tolleret crucem ejus, & ad locum Calvariae preferret, non ex committeratione: sed quia verebantur, ne Christus nimium enervatus sub manibus eorum expiraret, ne inceptam Tragediam ad finem perducere possent.

Habes hic

1. Christianismi picturam. Simon auditorem significat. Ita Christiani vocem Pastoris sui audiant oportet, Ioh. 10. v. 27. Simon rure rediens, Hierosolymam tendebat: Ita & nos ab agro hujus mundi, desiderio cœlestis Hierosolymæ flagremus. Interea Christus in via minime nobis concientibus obviat, crucem nobis imponeens, & participes tribulationis suæ efficiens, Apoc. 1. v. 9. id omnes expectemus necesse est. Neque enim sub Rege, cruce gravato, deliciari poterimus, Matth. 16. v. 24. Sir. 2. v. 1. seqq. Hebr. 13. 13.

2. *Hominis naturam.* Simon invitus crucem suscepit, angariaverunt, adeoque vi adegerunt eum ad eam ferendam: Ita crux carni & sanguini nostro peracerba est. Verum aliter fieri nequit. Quia acceptus eras Deo, necesse fuit, ut tentatio probaret te, Tob. 12. v. 13.

Quilibet proinde a quo animo crucem subeat. Est Christi crux, color Christi, insigne Christi, stigmata Christi. Quem hujus coloris iuppideret? *Huius Domini servire, regnare est,* ait Basilius. Dat hereditatem timentibus nomen ejus, Psal. 61. v. 6. Tandem implebitur: *Ubi ego sum, illic & minister meus erit,* Joh. 12. v. 16.

3. *Crucis mensuram.* Fidelis enim est, nec permittit quempiam tentari supra id, quod potest, 1. Cor. 10. v. 13. Hic Simon Cyrenæus fortuito occurritur Christo crucem ferat: sic adhuc hodie DEUS fideles tuos non deseret, sed qui ope & consilio ipsi succurrant, & crucem levant, excitabit, quin & ipse auxilium latus dabit virtutem laesso, & his qui non habent fortitudinem, robur multiplicabit, Esa. 40. v. 29. Ideo inquit ad Paulum: Sufficit tibi gratia mea, nam virtus mea in infirmitate perficitur, 2. Cor. 12. v. 9.

3. *Valedictoriam orationem.* Ubi nota

1. *Impulsum causalem.* Sequebatur autem illum multa turba, inquiunt Evangelistæ. Sicut adhuc hodie fieri amat, quando facinorosi ad supplicium ducuntur: inter illas & piæ quædam mulieres erant, quæ plangebant & lamentabantur, quod præstantissimo huic Doctori adeo iniqua merces persolveretur.

Piæ haec mulierculæ erudiunt nos, quo-

modo & ipsi Passionem Christi cum laetis chrysma meditari debeamus. Gratiam fidei-jussoris ne obliviscaris: dedit enim pro te animam tuam, dicit Siracides cap. 29. vers. 20. Quodsi itaque corporale illud beneficium, quod amicus amico exhibet, oblationi tradiri non decet: quanto magis Christum in memoria habere aequum erit, qui peccatorum nostrorum restum in se recepit, & quæ non rapuerat, exsolvit, Psal. 69. v. 6. Vere languores nostros ipse tulit, & dolores nostros ipse portavit, Esa. 53. v. 4. & seqq.

2. *Sonum formalem.* Ubi enim Christus eas plangere & lamentari audivit, conversus ad illas, dixit: *Filiae Hierusalem, nolite flere super me: sed super vos ipsas flete, & super filios vestros &c. q.d.* O vos meæ! non est, quod super passione mea fletatis, non enim fortuito accidit: sed vos peccatis vestris accessistis mihi eam, super illa itaque fletatis oportet. Reminiscimini gravissimam iræ tempestatem, brevi super vos, quin & totam gentem Judaicam adventaram, tantum cum calamitatibus, ut plurimæ Matres optaturæ sint, liberos senes peperisse neq; uberib' suis latravisse: Quintimo tantæ tum angustie futuræ sunt, ut homines pra consternatione dicturi sint montibus: Cadite super nos & collibus: operite nos. Quodsi enim hæc in viridi vitæ ligno faciunt, quid vobis fiet, qui aridi es, & peccatis vestris ignem infernalem dudum promeritis.

Hæc Christi Concio sit tibi stimulus ad penitentiam. Noli indignari Iudeæ, qui Jesum prodidit: non Pontificibus, qui falso ipsum accusarunt: non Pilato, qui innocentem eum damnavit: non militibus, qui

qui cruci ipsum affixerunt: sed potius plora peccata tua, quibus Christo dolorem hunc in iniquitatibus tuis praebuisti, Isa. 43. v. 25.

De Secundo.

VIdebimus nunc porto *Secutam Crucificationem*, quæ describitur

1. Secundum essentiam, ubi attende

1. *Locum*, ubi hoc factum, nempe in loco, qui dicitur Golgatha, quod est calvariae locus, quia ibi multa ossa defunctorum, & crania maleficorum, ultimo suppicio afferorum videbantur.

Prisci Adamum hoc loco sepultum autumarunt. Hoc si verum, Christi sanguis in cranium Adami manavit, certissimo indicio, Adami & omnium hominum peccata nunc expiata esse, 1. Cor. 15. 22.

2. *Potum*. Quia enim Salomo dicit: Date siceram perituis, & vinum his, qui amaro sunt animo, Prov. 31. v. 6. & ipsi Christo potum ministrant, sed non haustum frigidæ, multo minus vini: sed acetum felle permixtum, ut non inumerito conqueratur Dominus: Quomodo conversa es mihi in Palmites degeneres vitis alienæ, Jer. 2. v. 21. Opprobrium & miseria frangunt cor meum: Dederunt in escam meam fel; & in siti mea potaverunt me a ceto, Psal. 69. v. 21, 22.

Optimus Servator olim Israëlitæ aqua è petra potaverat, Num. 20. v. 11. Elicuerat Samsoni è maxilla asinæ aquas, Jud. 15. v. 19. In nuptiis Cananæis aquam in vinum generolum commutaverat, Ioh. 2. 9. sed morti vicinus ne quidem potu frigidæ frui potest, quo cor languidum reficeret.

Id nostri causa perpessus est. O quoties fit, ut & nobis è calice felle repleto bibendum, & multa adversa sustinenda sint: hic Christum calicem hunc dudum gustasse, meminerimus, quo fidibus suis acquisivit, ut super mensa sua in Regno suo comedant & saturentur, bibant & inebrientur, lœtentur, & præ exultatione cordis jubilant, Isa. 65. v. 13. hæc beata permutatio erit, quam semper desideremus, Dominus enim ad postremum servavit bonum vinum, Joh. 2. v. 10. in cælo novum bibemus, Matth. 26. v. 29. inventuri cum Christo vitam & abundantiam in æternum, Joh. 10. v. 11.

3. *Modum*, quem Evangelistæ exprimunt

1. *Generatim*, & paucis quidem verbis: Et cruciferunt eum ibi. Pauca verba, tristissimus actus. Crucifixio enim apud Gentiles quoque pro infami suppicio habita fuit, quo cives Romani aut liberi non affecti fuerunt. Quando igitur hic Christum crucifixum esse audimus, meminerimus nos, nostrum cauam, qui maledicti fuimus, ratione legis, quam non impleveramus, Deut. 27. v. ult. Christus igitur pro nobis maledictum factum est, quo nos à maledictione legis redimeret, Gal. 3. v. 13. Sicut & Moses serpentem exaltavit in deserto, qui typicè Christum in plenitudine temporis in ara crucis exaltandum referret, ut omnis qui credit in ipsum, non pereat, sed habeat vitam æternam, Joh. 3. v. 15.

2. *Speciatim*. Cruciferunt enim cum eo duos latrones, unum à dextris, & alium à sinistris ejus, Jesum autem medium. Et impleta est Scriptura, quæ dicit: Et cum inquis